



NELAYAN darat menaikkan udang daripada belat yang dipasang di muara Sungai Perak di Teluk Intan baru-baru ini. - UTUSAN/AIN SAFRE BIDIN

Rezeki lumayan musim udang sepit

UM 28/02/24 MS 31

Oleh **AIN SAFRE BIDIN**
utusannews@mediamulia.com.my

TELUK INTAN: Muara Sungai Perak di sini yang terkenal sebagai lubuk udang menjadi tumpuan ketika ini kerana ia musim udang galah.

Selain nelayan darat, muara sungai tersebut menjadi tumpuan kaki pancing yang memancing udang galah, terutama udang galah sepit biru, yang harganya tinggi.

Tinjauan mendapati antara kawasan yang menjadi tumpuan ialah di kawasan jeti tepian udang sepit biru, kawasan yang dibangunkan pada tahun 2000 sebagai kawasan

memancing dan menangkap udang galah.

Selain memancing, ada juga yang menangkap udang menggunakan sejenis perangkap dinamakan belat.

Bagi kaki pancing, ada yang datang dari jauh untuk memancing di lubuk udang di muara sungai Perak semasa musim udang ketika ini.

Ketua Komuniti Perikanan di sini, Sayed Azman Sayed Ahmad, 54, berkata, selain menambah pendapatan semasa musim udang, komuniti perikanan di sini dapat menambah pendapatan menerusi bot sewa kepada kaki pancing.

Katanya, kehadiran pengun-

jung di jeti udang galah tersebut semakin bertambah khususnya pada cuti umum dan hujung minggu.

Menurutnya, selain lubuk udang, bandar Teluk Intan terkenal kerana menawarkan pelbagai masakan berasaskan udang segar dari Sungai Perak.

Difahamkan, udang sepit biru yang masih hidup boleh mencecah harga RM100 sekilogram, yang sudah mati RM90 manakala gred B dan C RM75 sekilogram.

“Kawasan ini menjadi tumpuan peraih udang dari luar terutama dari Selangor yang membeli udang sepit biru,” katanya.